

直隸叙永廳志卷九

水利志

直隸叙永廳

永寧河 東南二水合流一名水東一名界首經西北二百五十里至納谿入江明洪武二十三年永寧土官上言所轄水道一百九十灘江門大灘有十二皆被石塞詔景川侯曹震往疏鑿之二十四年景川侯按視有枝河通永寧乃鑿石削巖舟楫始通至今利賴有陳南賓記

見藝文

直隸叙永廳志

卷九

水利

一

石獅硿 治西六十里即大魚硿硿口一石其狀

類獅泉流成溪溉田百畝

水流巖 治西六十里巖高百仞上出飛泉匹練

懸空不減廬山瀑布中有石硿昔人避兵於此

碓磨尚存水注巖下分爲二流引以溉田雖旱

不竭

白龍硿 赤水海螺堡巖高百餘丈硿在巖半前

人避兵以長木梯扳援而上可容千人下洞出

水長流至堡土人砌堰引之以溉田畝相傳古

有龍見故名

直隸叙永廳志

卷九

水利

二